

# وتبقى الذكريات

شعر

أبوبكر جمال



بطاقة الكتاب

-----

وتبقى الذكريات  
أبوبكر جمال  
شعر

رقم الإيداع : 2020 / 5249  
الطبعة الأولى  
عدد الصفحات : 96  
تاريخ الإصدار : فبراير 2020

الإخراج الفني و المراجعة  
اللغوية  
دار وادي عبقر للطباعة و  
النشر

رئيس مجلس الإدارة  
جابر الزهيري

جميع حقوق الطبع والنشر  
محفوظة للمؤلف، ولا يحق لأى دار  
نشر طبع ونشر وتوزيع الكتاب إلا  
بموافقة كتابية من الكاتب والناشر

I



دار وادي عبقر

للطباعة والنشر والتوزيع

بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook/ wadiabkar

Watch us on



www.youtube.com/ wadiabkr /



01141728625

0155517426 : ت 0862164428 :

ت

01221481856 : ت



أبوبكر جمال



2



# إهداء

قرائي الأعزاء :

إهداء لكل الأصدقاء والأحبة والإخوة والأخوات

أتمنى أن أحظى برضاكم بعد الانتهاء من قراءة ما خط قلمي حيث إنها تجربتي الأولى في كتابة القصائد والتي بها أحاول التعبير عن مكنون نفسي من خلجات وشعور سواء كانت حزينة أو مفرحة في النهاية فإنها مجرد كلمات جاشت بصدري وأردت أن أشارك كل ما يخصني منكم بها.

كما أنني أهدي إهداء خاصا للصديق (عماد المأمور) الذي قام بالمراجعة وتنوير طريقي نحو الكتابة والتشجيع عليها.

والله المستعان

## الإيمان وغروب الشمس

وقت غروب الشمس



وبين جمال الطبيعة... التقينا  
التقينا حبيبتى في بستان الأزهار  
وسويا تكلمنا  
وهلت علينا بنورها نجوم السماء  
وسكن صوت العصفير وعم المساء  
ولم يعد إلا همسنا في الأجواء  
همسنا حبيبتى أنا وأنت!!  
أتعرفين؟  
قمر أنتِ بالسماء...  
يفرش نوره بكل سخاء  
وضياءك يا عمري ابتسمت منه النجوم  
لحظة اكتشاف عشقنا يضج بالبهاء  
بهاء الموسيقى  
والتي تعزفها الزهور البيضاء  
والرياحين والياسمين وغادة هيفاء  
والقمر يهمس مناديا شمس النهار  
تعالى صديقتى  
فقد بدأ الاحتفال بالعاشقين  
العاشقين الساهرين مناجين بعضهما ليلا ونهار  
وتلاقينا راقصين حبيبتى ليبدأ الاحتفال

وبعيناك دموع راقصة ولا أدري  
أدموع الفرح هي؟؟  
أم دموع الخوف من الفراق؟!  
فعن نفسي لن أفترق  
إلا إذا كان في فراقنا السعادة لكِ والهناء  
حتى لو كان موتي وروحي ثمن الفراق  
فأهلا بالموت لقاء سعادتك  
ولو جاء فلم ولن أهرب  
بل سأكون لعشقتك أسعد الشهداء  
أما إذا كتب لنا اللقاء أخبرك حبيبتي  
الحب الصادق قدره الله لنا  
ولو لم نلتقي بدنينا..  
فحتما سيكون هناك اللقاء  
في ظل الرحمن  
حيث تكونين ملكة الحور  
وبقصرك متوجة  
ووجهك يكسوه نور الرحمن  
وإيماني بعشقتك حبيبتي قمة الإيمان  
ويوم موتي لا تحزني  
وبعد فراقني تذكريني حبيبتي

حيث كنا نلتقي  
في وقت غروب الشمس



## بحث عنك

بحث عنك

في زحام الأوطان يا عربتي  
ويسري حبك في فؤادي وفي دمي

منذ طفولتي

بين أحضان العالم يا صديقتي

ذكرتك من قديم الأزل

بوجود رجالك المحبين لكِ

ويتدفق حبك كالأمواج

كرياح صارت تلحن وتغني

وكانها تنحني برفق على القلب

وتمد يدها إلى يدي

يا حامية الأوطان

أنت الآفاق على الدول

يا قرة الأمم وقرّة لعيني

أنت السلام على الأمم

يا نور ينير على العالم وفداك قلبي وفداك دمي

فبكيت دما يسري على تراب أرضك

وتحت سمانك ولكِ يا بلدي جسدي ولكِ عمري

ودقات القلب تنبض باسمك

وكل لحظة تذكّرني بحبك منذ نشأتي

فترتقين بإيمانك وعلمك على جميع الأمم

وتكيدين أعداءك الحارثين

بينك وبين أولادك فأنت سكني

وأنتِ موطني  
فأنتِ الميراث لكل جيل  
وتسليم الراية من جيل إلى جيل  
يسعى للأمل وفداكِ روحي وفداكِ دمي

\*\*\*\*\*



## الفجر الجديد

هل علينا فجر جديد  
وتابعه نور النهار لترسل الشمس  
أشعتها من جديد  
وسمعت دقات القلب تنبض



وكانها طبول الفرح وتنبأ  
بالخبر السعيد  
فبدا في الأفق طيف الحبيبة  
بعد غيبة طويلة وكانها  
عمر مديد  
سألت عنك أنفاس الفجر  
وقطرات الندى التي عادت لتروي زهور الأرض  
من جديد  
ورأيتني أسأل أين كنت حبيبتي؟  
فقد كنت أبحث عنك  
في سمانك وأرضك ولكن لا مجير من نار السؤال  
ولا مفيد  
وظننت الآمال قد ضاعت بغيبك  
ولكن نور فجرك عاد ليبيث الأمل  
بقلبي من جديد  
ولو تتذكرين أو تعرفين  
لم يختار كل منا الآخر فالعشق قدر  
وقدرنا ليس لنا فيه اختيار أكيد  
وبغيبك حبيبتي  
شعرت وكأنني غريق



ببحر عشقك ولا مرسى لي  
وبظهور طيفك  
وجدت يدك تمتد لي كي أعود للحياة  
من جديد  
وعهدي بك حبيبتى مثلما الأول  
ليستمر العشق وكأنه ولد  
من جديد  
فلا حزن أو ألم حبيبتى يجتاحنا....  
ما دامت التقت  
اليد... باليد  
فعشقتك هداني لنفسي  
والتقيت بك فسجدت لربي شاكرا نعمته  
سجدت شاكرا هبه الرحمن يوم أهداني بك  
باليوم السعيد  
قد كنتي لي حلما..  
حلم برحم الزمان  
وحلمت بأن يأتيني في الحلم واليقظة  
ولكن كان الحلم في البعيد البعيد  
واليوم هل علينا الفجر من جديد  
وعاد الحلم للحياة...

والبسمة عادت من جديد

\*\*\*\*\*



## أحب الجمال

عاشق أنا وولهان متيم بجمالك الفتان

يا حبيبتي

عشقي لك كعطر الياسمين والريحان

كأس أتجرعه فيسكرني جمالك

ليضمني صدرك بكل حنان

وتبقى الذكريات

◆ 11 ♥

زيديني عشقا حبيبتى...  
زيديني إيمانا وأمان  
فسكني يا عمري ووطني بداخل تلك العينان  
وقلبي زهرة بداخل قلبك البستان  
ذاك القلب أجمل الأوطان  
فالله جميل حبيبتى يحب الجمال  
ويوما بعد يوم يزداد عشقي  
عشقا ولهفة لجمالك الفتان  
أنتي الحبيبة والتي أهاجر إليها  
من مكان لمكان  
أينما كنتي ستجديني حولك حبيبتى  
أحميك بنفسى  
أحميك بنفسى من نفسى  
وحارس لتلك العينان  
فهناك آلاف الحاسدين الحاقدين  
لذلك العشق والقلب الولهان  
فلو كان العشق جريمة يعاقب عليها بالحرمان  
فأنا يا حبيبتى القاضي والجلاد  
وسأحكم علي نفسى بنفسى بالسجن طويلة عمري  
وأنا السجنان

وبين دقائق قلبك...  
فقلبك سكني وأجمل الأوطان  
ولو جاء اليوم الموت حبيبي أهلا به  
وفي سبيلك أكون  
أسعد الشهداء لأميرة الزمان  
عشقي مخلدا أبدي  
وبين دماء قلبي يسري  
ولو كان لغيرك حبيبي  
لن يجد سوي رفات دخان  
فأنت الحبيبة وأنت الزمان  
وفي عينك شفاء الأدران  
ويوم يمرض جسدي تشفيني بسمه الشفتان  
ولمسة من يداك الناعمة  
تعيد للحياة الحياة  
والبسمة بقم الأطيوار بالأشجار  
وزهور الزمان  
فيا حبيبي أنا العاشق..  
أنا الولهان  
والله جميل..  
جميل يحب الجمال



## ابن الأصول

ابن الأصول في كل مكان في بلادي  
وبأيده الحرية بتنده وتقول يا ولادي  
وتقول التحية والسلام من المرسى  
ولمطروح ولنهاية الوادي  
دا أنا واحد من أولادك يا بلدي  
حكمت على نفسي أجاهد ليكي وليا ولأحفادي

واعيش بسلام طول ما رأيتك يا بلدي  
بترفرف في سلام قدامي  
انا ابنك يا بلدي مانكسرش أبدا  
حتى لو كان عدوك قصادي  
واقف قصادهم مرفوع الراس  
ولا انحنيت لعدوك طولت حياتي  
وحتى لو مت روجي فيه  
بتسلم عليكي  
وتقول تحيا وتعيش بلادي  
وعمري ما هاتنسى  
لأني ميت شهيد في حبك يا بلادي  
وما اوصيش عليكي أولادي وأحفادي  
وقتلهم احموا بلادكم  
يا ولادي حتى لو بعد مماتي  
يا ابن الأصول أنا باحكي عنك  
وعن نفسي وأجدادي  
ومهما طال الزمان يا بلادي  
هو ده ابنك  
عايش لحبك يا بلادي  
دا أنا موصي عليكي أولادي وأحفادي

وقلبي ليكي وعمري فداكي



## المزمارة

يا صاحب المزمارة

لحن وابدع..... غرد وامدح.....

وسلطني كمان وكمان

غرد للحبايب الموجود منهم

وكمان اللي غايب من زمان

صوت نغماتك فرح وأمال

والنبي لتزيد كمان وكمان  
سمعنا نغمتك في العصرية  
علي لمة شاي وقاعدة زمان  
لحن وابدع بمزمارك  
يمكن قلب جريح يتداوى من جرح الزمان  
عارف يا صاحب المزمار  
صوتك ومزمارك بيخيلنا في أمان  
ونحن كتير لأيام زمان  
لحن وابدع من أفكارك  
ومتعنا معاك بالألحان  
وادينا الأمل في بكرة والحب كمان  
يا صاحب المزمار  
لحن وابدع .....  
غرد وامدح .....  
وسلطني كمان وكمان



## بستان العاشقين

خدنى الشوق لبستان العاشقين  
وقلت اعيش فيه من جرح السنين

وأنا ماشي سمعت همسات  
لعشاق مجروحين  
وقلت هو أنا منهم؟  
ولا هم بالجراح مني واخدين؟  
وسألت نفسي ليه مجروحين؟  
وبالأتين شالين؟  
لقيت بين أغصانه وأشجاره  
ناس مهمومين  
الكل مستني يداوي الجرح بالفرح  
وعشق السنين  
يا سلام علي ليلك يا بستان العاشقين  
وبنظرة منك في السما  
الأقي القمر ونجومك منورين  
حسيت في لحظة أنك انت والنيل  
عروسين اتنين  
في وسط الحفلة بترقصوا  
والنجوم حواليك ملفوفين  
وكل وردة ووردة  
بتغني وتهتف لك بغنوة حنين  
ما توزع فرحتك يا بستان علي العاشقين

بدال ما هما قاعدين مهمومين  
وللهم شايئين  
ده هناك عاشق وحده قاعد وببيكي  
ومغرم وببيحي  
وكلامه جرح وشايل جواه الأئين  
وفي لحظة صحيت علي جروحي  
ألاقيني أنا الناي الحزين  
اللي قاعد ببكي وببيحي بين البساتين



## حلم عمري

كان بدايته نهار جميل..  
ونهايته ليل طويل

وكنت فاكراه جايب لي معاه فرح السنين  
أتاريها نهايتي وصرخة ألم من قلب عليل  
ومسطر صفحتي بقلم الانين  
وخذتني الدنيا..  
يا دنيا واخداني لفين  
ولفين احنا ماشيين  
ليه يا دنيا واخداني في سكة العذاب؟  
ما احنا متعذبين  
ده أنا لسته صغير  
وقلبي جريح واللي حواليا مش عارفين  
ده جرحي بينزف  
وقلبي بيصرخ وهما ولا سألين  
يا طبيب القلب قولي جاي تداويني  
ولا تداوي مين  
جرح عمري ولا جرح السنين  
دواي يا طبيب  
وارسم بالقلم شئ جميل  
مليان بالفرحة وكمان غنوة أوغوتين  
على حلم عمري بفرح طويل  
وتكون نهايتي غنوة حنين

بحلم لعمرى وبحلم من سنين  
وبحلم لنفسي بشفا جرحى من الأنين  
يا طبيب قولى بتداوى مين؟  
دي الدنيا وخذانا.. وخذانا مش عارف لفين  
لبداية نهاية فيها الحنين؟  
ولا جاية ومعها الانين دى الدنيا؟  
واخذانا.. واخذانا لرب العالمين



ظ

يرت حياتي

غيرت حياتي وأحوالي  
ما أنا قبلها كنت في حالي  
داوت جروحي وأحزاني  
وكل اللي عدى في زماني  
وقبل ما أشوفك يا حياتي  
رسمت طيفك قدامي  
غيرت حياتي وأفكاري  
وكل ده علشانك  
وقلبي ليكي يا حلالي  
يا حبيبتي مين في جمالك؟  
أفراحي كلها بدالك  
يا حياتي وحي ونصيبي  
قولي للأيام ما تصيبي  
قلبي الملهوف بحبيبي مجروح  
بهواك يا طبيبي  
أنا كل ما أشوفك في منامي  
بالاقي جمالك قدامي  
عاشق بجنون يا ملاكي  
عاشق مشتاق يا محلاكي  
أقسمت عليكى بجمالك

يكون قلبك علشاني

\*\*\*\*\*



نصيبي كده

الحب والعشق لا عمري عرفته

ولا جربته وخذته مداس  
ياما قالوا لي ده غصبن عنك  
أنا لا عمري عرفته  
ولا جربته بين الناس  
قلت في مرة أدوق الحب..  
وحبيت واحدة أتاريتها بنت ناس  
ولأني صعيدي هو كده طبعي  
ومش بإيدي  
بس هاقولها وما اترددتش  
أنا بحبك يا بنت الناس  
ومش بإيديا أنا حبيتها  
ولاقتني في مرة قصاد بيتها  
ومن أول نظرة حبتني  
وانا حبيتها  
والشوق خدني ويا الحنين  
وقلت لنفسي تاني أشوفها  
وصدفة وفي نفس اليوم  
عدت قدامي وروحي خدتها  
\*\*\*\*\*  
حست بيا وحسيت بيها

وأنها نجمة وفوق الراس  
لكن يا بنت الناس  
لازم تعرفي أصلي وفصلي  
بحبك آه بس فقير وضعيف من الأساس  
بس عايزك وبحبك وحببي ليكي  
ما يكفيه قلم ولا كراس  
لقت ناحيتي وقالت لي :  
يا حبيبي  
لا يهمني أصلك ولا فصلك  
ويكفيني إنك ابن ناس  
ومن بين البشر اخترتني  
وانا اخترتك ولا يهمني كلام الناس  
بس ياخوفي يوم ما تجيني  
يطلع أبويا زي الناس  
وقلت اتقدم  
واللي يحصل يحصل مهما  
كان كلام الناس  
بس القلب بيقولي  
يا روحي أبوكي غير الناس  
مش معقول هايكسر قلب بنته

ويهد فرحتها من الأساس

\*\*\*\*\*

وروحت ساعتها لأبوها البيه

والفرحة مش سايعاني

وكان رده: يا مخلوق إنت

معقول المية هاتمشي في العالي؟

ولا عينيك مش شايفاني؟

صدمتني الكلمة

وفهمت ولا اتكلمت

وضيقت مني كل الأمانى

ودخلت هيّ وعنيها في عينيا

بكل الحزن والأشجان

وقلت لنفسي هوانا الضحية

ليه الأيام جاية عليا

بكل الهم والأحزان؟

ومشيت

و الحزن في رجليا

وحلقت إنى

ما اعرف الحب من تانى

عشان كده يا أهل الحب

وأهل العشق  
الحب في رجليا...  
أنا واخده مداس



## الوداع

الوداع يا أحلي حنين

لأغلى سنين  
لا داعي لحزن وأنين  
يا حب عمري من سنين  
يا أرق شيء جميل  
يا سايب في قلبي أنين  
باودعك بدموع العين  
والدمع جرح الخدين  
العيون جفت منها دموع  
وصبحوا دبلانين  
في بعادي عنك مشتاقين ..  
باودعك لحين وحين  
باودعك مش قراري  
لكن قرارنا إحنا الإثنين  
مش ذنبي  
وده قدرنا  
ومكتوب علي الجبين  
الوداع حبيبي  
يا أحلي حنين  
الوداع يا أحن حنين  
لأغلي سنين



## أنا آسف

أنا أسف ع اللي حصل مني..

ده بكرة الزمن هايعلمني

ونور الشمس هايصحى

ويألمني

بالله عليك يا حبيبتي وعمري

ما تحملنيش هم فوق همي

أنا عصفور جناحه مكسور

بسبب حبي اللي كسرني

كان نفسي ألمس إيديكي

وامسح دمعة عنكي

ما كانش قصدي أضيع الحب اللي بينا

ولا الحلم اللي مبنى عشاننا

خيانتني ليكي قتلتنني

في يوم أبوكي ما بعد عنكي عني

ودقة قلبي بتألمني

ودموع حزني بتكويني

أسف ليكي لو قلتها

مش هاتكفيني

أنا أسف ونفسي تتكلمي

ولصوتك سمعيني

عاتبيني.. خانقيني.. كلميني

سكاتك ده بيألمني

ويقتل فيا سنيني

ما تخنّيش  
أعيش بالذنب طول عمري بأنيني  
الذنب مش ذنبي  
لكن أبوكي بعدك عني  
وأسمعيني ولو مرة واحدة  
واقبلي أسفي  
خيانتي ما كانتش مقصودة  
لكن وجودك في لحظتها  
خلاكي بالغلط تفهميني  
آسف لكل لحظة  
كنت السبب فيها لدمعة عنكي وعيوني  
أرجوكي تفهمي الصح  
ولو بالغلط  
بلاش بينك ونفسك تلوميني  
أنا بحبك  
ولسه علي حبك باقي  
بطول أيامي وسنيني  
آسف حبييتي  
آسف وسامحيني



## صوتك

أول ما صوتك ناداني  
صحى الحنين من تاني  
خدني الغرام ووداني  
في رحلة أمل لأحلامي  
ده صوتك حبيبتى هداني  
وظفى نار قلبي وفرح أيامي

ولم جراحي في لحظة صوتك ما ناداني  
آه لو كنتي مكاني  
وسمعتي همسة شفايفك  
بتنده علشاني  
في لحظة فرح اتكلمتي  
وعنيكي عليا وبإيدك سلمتي  
ده صوتك حبيبتي  
لحني ونغمتي  
من غيرك انتي  
جريح لوحدي  
صوتك زي موج بحر عالي  
بيهمس بذكرى  
على جبين العمر  
وشايل جواه أصالة الليالي  
انتي عارفة صوتك على قلبي عالي  
حبيبتي صوتك بيتردد  
في النهار والليالي  
صوتك  
رجعلي عمري اللي ضاع مني  
وفي زمانس

وجيتي انتي ورجعتي ومعاي  
أصالة الليالي  
بصوتك حبيبي



## من غير عتاب

من غير عتاب ع اللي فات  
دي كانت مجرد ذكريات  
من غير عتاب  
أو حتي لوم  
من هنا ورايح حبك باقي

بطول السنوات  
وياريت ما تجرحنيش  
وكفاية جرح السنين  
ومر الكلمات  
فاكرة حبيبتي؟  
لما عاتبت قلبك  
وسابني ولا صارحنيش  
وعدي وفات؟  
يوم ما طلبت تصارحيني  
وما كانش منك غير  
السكوت والدمعات؟  
خلتيني حيران  
مش عارف بكرة من امبارح  
ولا حتي اليوم  
اللي فات  
خلينا ولاد النهاردة وننسي....  
ننسي بقي كل اللي فات  
وبلاش تعاتبيني حبيبتي  
ع اللي فات  
وزي ما قلت :

خلينا ولاد النهاردة  
ونبدأ من جديد  
وتغسلنا دموع السماوات  
دي الدنيا فاتحة لينا إيديها وصدرها  
خلينا بقي إيدي في إيدك  
ونلحق اللي منا عدى وفات  
من غيرك حبيبتي  
بتغلبني الذكريات  
وأحلام جميلة كنت بتمنى تكوني فيها  
وابص وأتلفت حواليا  
ألاقيني وحدي  
وتوجعني الذكريات  
أصلها مجرد أحلام  
بتمنى تكون حقيقة  
يا ست البنات  
تعالى وكفاية خوف  
ونرمي ورانا كل المر والتعب  
اللي فات  
وزي ماقلت  
خلينا ولاد النهاردة

أصل اللي فات راح ومات  
وليه نفكر فيه  
والسعادة قدامنا مادة لينا أيديها  
وناسية اللي فات  
حلو العتاب  
برغم إنه سلاح بحدين  
بس يمكن ينسينا  
اللي فات  
ونبدأ من جديد  
والدنيا تملأها منك البسمات  
وتعالى  
تعالى ده رجوعك مش هزيمة أبدا..  
لكن انتصار  
ع اللي فات  
معاكي يا حياتي  
هتبدأ حياتي تعالى حبيبتى..  
تعالى ومن غير عتاب  
وننسى كل اللي فات



## كذبت عليا

كان ليه الكذب..؟  
وكذبتى ليه عليا؟  
وكل كلامك كذب ليا  
حتي جمالك وطلعتك البهية  
كلها كذب ونفاق

وضحكة شقية

\*\*\*\*\*

عشمت قلبي

اللي كان في السما بيكي طائر

وقلبي قاللي ما في حد قدي

وبيكي ياعمري

ما هاكون حاير

والوقت جاية تقولي :

أنت مش ليا؟

بعد ما اتمك حبك مني

زي دم قلبي

اللي باسمك ساير فيه

وعيشتيني في وهم

وغرور بوهمك ليا

\*\*\*\*\*

دبحتي القلب اللي كان برئ

وكان رافض يحب

وكان حر وطلق

بوهمك رجعتيه

لليالي أسية وعتية

كلها أنين  
ولا فيها يوم حنين  
رجعني لوحدني من غير حبيب  
أو صديق

\*\*\*\*\*

عارفة دم قلبك اللي عايش بيه؟  
لسّه فيا

كل ده كنتي حبيبتني  
بتكدي عليا

ياااه علي غدرك

وغدر الدنيا فيا

ما كنت وحيدي

عايش وراضي بالهم

اللي مش راضي بيا

\*\*\*\*\*

أنا فاكّر عتابك في يوم ليا

لما اتعلق بيا قلب

وما كانش ليا

بس إيدها كانت حنينة

وفي عز عذابي طبطبت عليا

جيتي أنتي كنت فارك ليا  
وبضحكة شقية  
ضحكتي عليا  
صدقته ساعتها  
وما كنتش عارف انك بتكدي عليا  
ياخسارة  
بس مش عارف حبييتي  
الخسارة ليكي ولا ليها ولا ليا؟  
بس مع الوقت  
عرفت إن الخسارة ليا  
لما خسرت نفسي مرة  
وخسرت الإيد  
اللي طبطبت عليا  
يا ألعن ذكري في عمري  
مرت عليا



## مش راجع لك

لو هاتفكري ترجعي تاني...

إنسي

مش راجع لك  
حتي لو اتحديتي زماني  
ودموعك نزلت  
وانكسرت بيكي أحلامي  
مش راجع لك  
فأكرة كلامك زمان؟  
لما قلتي إني بيك  
هاتحدي كل زماني  
وصدقتك  
يوم ما اشتريتك  
وانتي بعتي  
ويوم ما بعتي  
كان قراري ليكي ياعمري  
مش راجع لك  
كنت بعيوني بحميكي  
وانتي بالجرح ابتديتي  
وجرحك خلي القلب ينساکي  
والجرح خلاني حبيبيتي  
مش راجع لك  
أصل الجرح كان أسي

وموت كل أحاسيسي ناحيتك  
وأنا إيه اللي يخليني اشتري  
اللي بايعني  
روحي مش راجع لك  
قلبي من اسوتك جمد  
وعنيا خلاص كرهتك  
ياقلب صياد باع وهاجر  
والحب مات  
من أسوتك  
كرهت عينيا  
وكرهت أيدي لما لمستك  
يبقي ليه أرجع لك؟  
مش راجع لك  
كل حروف العشق  
اللي كتبتها ليكي بتسأل  
قصدي بتسألك  
عن الحب  
اللي كان أثاره بقصد  
أصله كان وعنيا كرهت دمعتك  
ولا ضحكك علي القلب الطيب اللي

عشق وصال بسمتک  
یبقی لیه أرجع .. وھیاتک عندی  
مش راجع لک



## طیر جریح

وکأنک یا طیر محبوس جوایا  
وکل الهموم رسیتها علیه  
ومافیش حد دارى باللی جوایا

حتى حبايبي شيالوني كل الأذية  
وأقرب الناس

ليه مسحت دمعتهم وقت محنتهم

وشيلت عنهم كل الأسية

سألت نصيبي وقسمتي

قالولي حظك مش معايا

أنا مش ليك ولا انت ليا

قلت ادور على نفسي

واشوف نصيبي وقسمتي

لوحدتي ولأيامي الجاية

ونزلت دمعتي على جبيني

وقالتلى دموعك بتكوي الجفن

اللي فيك وفيا

قلت ليه يا نصيبي؟

ملاقتش غيري

تسيب جواية كل البلية؟

ما تزعلش يا نصيبي من كلامي

أنا بقيت زي الجبل

والهم منحوت فيا

ده كل البشر شيلت عنه الهموم

وحملتها ليه عليا  
والا انت جيت بالفرح  
وجعلته يآسي كتير  
ويزيد الجرح اللي فيا  
واستكترت الفرحة يدق الباب  
وتنده عليه وعليا  
أنا واحد من البشر  
ضمن المليون الميه  
ده كل الأنين شايسته لواحد  
ماخطرش بيك ولا بيه  
وضهرى انحنى من كتر همومي  
وشيلتنى كل الأذية  
والشعر الاسود شاب  
قبل ما اشوف الفرحة الهنية  
فأمانة عليك تمسك بأيدي  
وتمسح دمعتي وتداوى الجراح  
وتشيل الأذى عني شوية



والنوم لا يزور عيناهم حتي يروني..

ودفاء المحبة عليهم يسود

ولا تظمنن قلوبهم حتي أعود..

وظعامهم لروحي روح الوجود

حتي اشتد عود صبايا

وأكون لهم السند الموجود

يا نور قلبي

أنتم الظل الظليل وبكم أخطو كدليل

وبدعوة للرحمن إليكم أعود

كنت أحبو في صغري

وانتم بجانبني دنيا الخلود

والعصا التي أتوكأ عليها

برغم عافيتي وقسوة القلوب المقصود

مهما فعلوا سأرضيهم

حتي لو صفة قلوبهم الجحود

ولو ارتميت تحت أقدامهم

ما وفيتهم وجع القلب

وبلا رضاهم لن أعود

جنة الخلد تناديننا برضا دعواهم

وصفاء القلب والحب

إلينا يخلد ويسود  
وبالوالدين إحسانا



## الفرار من القدر

كيف الفرار  
والقدر علي الجبين  
مسطر... مقدر  
جاء دون رحمة

وبلا إنذار لحظات القدر  
لحبيب فارق الحياة  
بأمر العزيز المقتدر  
وتبكي العيون بقلب ضعيف  
من الفراق انكسر  
من شدة حبي له  
بدموع كالشلال المنهمر  
كان بيننا حبيبا جالسا  
كالملاك المستتر  
كلماته حزينة  
تعبيراتها مقطبة الجبين  
ومغرمة بالموت  
وناداه الموت  
بالأحضان تعالى..  
فأين المفر؟  
فأنا الصديق الأخير  
ومني لن تفر  
كيف تأخذه  
والشياطين في الدنيا تكثر؟  
وهو الملاك الصغير

وقرة العين وكل المنى  
وجاء بعد عمر منهدر؟  
جاء لتملأ الفرحة البيت  
واليوم مات والفرحة تنكسر  
الفرحة تنكسر..

بأمر من يملك قلبا متجبر  
والمنى كل المنى  
لو طال عمره بيننا  
جالسا ضاحكا مستبشرا  
فكيف تأخذه منا؟  
وتعلم أنه قرة العين  
وكل الأمل المنتظر  
بقلب لا يعرف الرحمة  
جاء ليترك الحزن  
بدموع قلب منكسر  
فسلام ..

والسلام عليك حبيبي ...  
ولقاؤنا في اليوم المنتظر



## من أنا؟

أنا من سرت بالحياة  
دون مأوى يؤويني  
وضربت كفا بكف  
وتذكرت الموت يوم  
يحتويني

قلت له مرحبا صيفا أو شتاء...

لتحميني

وسألني لماذا؟ فأخبرته

أن همي وإساءة الناس للناس

لا ترضيني

بكي بدمعه...

وبدمعه أبكاني لقصة لشاب مثلي

مر بظروفي

وأيامي وسنيني

وألقى بكلماته لتواسيني

فما كان منها

إلا أنها زادت أنيني

وأخبرني بنزع نظارتي السوداء

كي ترى النور عيوني

مما زاد القلب قوة

فأحببت الحياة


وكأنه ببر الأمان ألقى بي

ليهديني

وبساط الريح

يأخذني

وببرالعشق والحنين  
يلقيني  
وما زالت كلماته  
تبت بنفسي الأمل  
وبيدي سيف يقتل الحاقدين  
وكيد الكاندين  
وتصير قصة الأمل  
أسطورة يحج إليها  
شباب وجيلا بعد جيل  
لا تسمع لكلام أحد  
فالسّم  
يملاً بسمة الأفعى  
ولكن إيمانك  
بربك وربى  
يحميني



## صرخات مؤلمة

عندما تنأى بنا الأيام..  
وعندها يصرخ الإنسان  
عندئذ تفتح له خنادق  
من حميم بركان  
فيصرخ بصرخات مبرحة..  
سائلا نفسه لم الصرخات؟

هل من أيامنا أم أعمالنا؟  
وها أنا أسأل نفسي  
مرددا لبعض لحظات  
ومأنبا نفسي  
دون ظلم للأعمال أو أيام السنوات  
فأجابتي حيرتي  
قد تكون الصرخات من أعمالنا نحن  
فنحن البشر  
ملثمين بغطاء الغيرة  
والبغضاء لبعضنا البعض  
فلم هذا ؟؟؟؟  
فقد خلقنا الله أبرارا  
برحم الأمهات  
لانعرف ذنبا ولا حقدا...  
ولكن بعدها  
تتوالي أيامنا زارعة فينا الحنين  
والهناء هناء الآباء  
وحنين الأمهات  
ولكن هل الأيام ستأتي  
بعمل قبيح أم حميد

أم بفرح جديد؟  
وها أنا والأيام  
وقد صرخت الأيام  
مبشرة بحلم جديد  
منادية بكل الشوق والحنين  
وكل ما هو سعيد  
ووجدتني مسرعا نحو الأيام  
بلا استسلام  
نحو الحلم الجديد  
وقادت الأيام أجيالنا  
وما زالت تقود  
بعمل الخير  
الخير المزين بالزمرد  
والياقوت  
فكلما كستنا أعمالنا بالخير  
بلا حدود  
فلم ولن تكسرنا الأيام  
حتى لو كنا بين الأكفان

رقود



## دنيا غلابة

لست أدري من أنتِ؟  
أأنتِ بداياتي أم نهايتي؟  
يا دنيا الغلابة  
يا سفينتي

كثير قالو عليكى كلام قاسي  
رديت عليهم بكلام  
انتي مش انتي  
انا قلت عليكى انتي سفينتي  
وبرغم عذابك انتي حبيبتي  
قلت نركب فيكي ونعدي  
على مرسى الفرح  
وليكي نهدي  
شايك متزينة لناس  
بتديهم الحلم الوردي  
وناس تدوسي عليهم وتعدي  
بحزن وجرح وألم  
وكاسك ليهم عذاب  
وشراب مر لونه وردي  
هم دول مالهمش في الفرح؟  
والا نصيبهم من الجرح اللي عندي؟  
كتبتي عليهم الجرح  
وافتكرت جرحي  
ونستيني فرحي  
ليه يا دنيا يا غلابة

بتزودى عليه غلبي؟  
أنا ياما حبيبتك وافكرتك سفينتي  
اتاريكي بدايتي  
وعلى مرسى حزنك شط نهايتي  
يا دنيا الغلابة يا سفينتي



## صفاء القلوب

بعشقتك يا بلدي  
وكل اللي جوايا ليكي  
بناسك الطيبة وشوارحك وحواريكي  
وبايدي السلاح طول ما اناعايش

هاحميكي  
قلبك الصافي وهواء الحرية  
بيناديكي  
حبيتك وبحبك يا بلدي  
وكل اللي في قلبي ليكي  
وكل نقطة دم بتسري في عروقي  
تفديكي

عن نفسي هاعيش على أرضك  
وبكل قلبي وبعينيا أحميكي  
من كل عدو يفكر  
في يوم يأسى عليك  
ده أنا جيت في يوم  
وقلت أروح اخدم بلدي  
وافديكي

لقيتك فاتحة حضنك ليا  
وقلتي مرحب بابني  
وخذتيني بين إيديكي  
مصر يا أمي بحبك  
وهاحبك وبروحي هافديكي  
سهرة طول الليالي لخدمتك

ولا يغمض ليا جفن  
ولا كسرتني خدمتك  
مأنا أصلي منك وليكي  
وعيون آسية بتبص من بعيد عليكي  
مستنين غمضة عين  
عشان يهجموا عليكي  
لكن إزاي يغمض لي جفن  
عين حبيبتي دا أنا روي  
ودمي كله ليكي  
لا؟ متخافيش يا أمي ولادك أسود  
على أرضك ونسور جوية  
بترفرف في سما الحرية  
وهناك على شط بحورك حيتان بحرية  
لا بيخافوا من برد ولا بيخافوا من مية  
ياحبيبتي يا مصر يا أم الدنيا  
ويوم ما استشهد  
فداكي قلبي وعينيا  
وبالفعل حاربت وجاهدت  
وعلى حدودك قاومت  
ونزف دمي اللي بيسري فيا

ولآخر نقطة دم تنزف  
سمعتها بتقول أوعاك تستسلم  
دي مصر أم الدنيا  
وسمعت صوتك بتناديني  
يوم مايموت اسمك في العلامي  
مكتوب فيا  
وهناك على باب الجنة  
زغروته حلوة من بنت صبية  
البنات أتارياها مستتيك  
أصلها في الأصل  
حورية

## مغرم صبابا

مغرم صبابا أنا وبحب الناس  
وكل ضعيف حقه ضايع  
وفي الدنيا منداس  
مغرم صبابا

ووييا أعز الناس يا ناس  
للقمة عيشه شقيان  
ولا عمره قال آه ولا اشتكى للناس  
عاشها بالطول والعرض  
ولا راسه انحنت في يوم للناس  
كرامته في العلالى  
وعزة نفسه ما تنداس  
قليل الأصل بس ...  
اللى يذل نفسه للناس  
واحنا مش كده ...  
ده احنا ولاد أصول من بداية عمرنا  
وكل نقطه في دمنا هيا لينا أساس الأساس  
شهامتنا بقلبنا ما احنا ولاد تسعة  
ده احنا ولاد آدم يا ناس  
وزي ما ربنا قال  
مافيش فرق بين لون ولون  
ده أصلنا تراب وبينداس  
ليه نتكبر علي بعضنا  
ونتمنظر علي واحد جناحه مكسور من الأساس  
نصيبه كده في دنيته ما هو مش زي ناس

حظها في العالي يا ناس  
فغدا قريب الكل  
ها يتحاسب من الأساس  
ماذا فعلت بأيامك الماضية  
واليوم في التراب تنداس  
مغرم صبابا و بحب الناس



## بنت الحلال

طفل أسير أنا بيكي  
وعيونى جايه تناديكي  
بنت الحلال يا حياتي  
ده عمري كله في لقاكي

أنتي وطني وأنا أسيرك  
وليكي إنتي راح أجيك  
مشوار طويل راح أمشيك  
وأغني ليكي وهاشيك  
ورموش عينيا تغنيك  
بنت الحلال ياعيوني  
يا قلب أخضر ولاموني  
يا نسمة ساكنة في جفوني  
فينك يا حلوة داعيوني  
سهرانة ليكي في لياليكي  
ونبض قلبي ما ناسيكي  
ده عمره ما بص غير ليكي  
يا حياتي وعمري وحلالي  
ماكنش قلبك على بالي  
يا حبي الأول والغالي  
أنا الأسير يا حبيبتي  
جرحتي قلبي  
ولا انتى سلمتى عليه وسامحتي  
دا أنا الأسير وفداكي  
بحبك إنتي يا صبية

يا هدية صافية وهنية  
أنا حبيبتك يا حلالي  
واسمك دايم على بالي



## القمر وضياءه

أنرت يا قمر الليل  
وازدهرت بك السماء  
و أنرت الليالي وبك عم الضياء  
وبفارغ الصبر تتمنى عيناى رؤياك  
لأشكو لك همى وبكاء دمعى

وجرحي صباحا ومساء  
كم تمنيت رؤياك مبتسما  
لتبسم لي الحياة  
اتساعدني أم تخذلني؟  
وتتركني لضباب الليل  
وأنياب السباع المتوحشة  
خبرني أغريب أنا في ظلمات الليل؟  
وتغرقني زخات السماء؟  
فامنحني نظرة حانية تنير دربي  
وارسو على بر بكل هناء  
لا تتركني في دنياي مجهولا  
كرفات دخان طار في الهواء  
والعاشقين المغرمين بك  
لا تحرمهم ضيائك  
الذي يكسو صفحة المساء  
الكل مسخر في الدنيا مثلك يا قمرى  
بيد العزيز الجبار خالق الأرض والسماء  
قمر أنت وعشاق الليل ينتظروا لقاءك  
عاشقين ساهرين صباحا ومساء  
فلا تخذلهم

وأند دربهم في الأرض  
كما خلقت لتتير الأرض و السماء



## وطني الحبيب

وطني الحبيب بناديك  
في وقت فرحي بهدي لك  
من كل فؤادي بحكي لك  
ونبض جروحي تشكي لك  
ومهما اغيب باشتاق لك  
وعمري مااشتقت لغيرك  
وغيرك انت ماهاجي لك

وما فيش في القلب غيرك  
أشواقي وحيي تنادي لك  
مراكب بحر ترسي لك  
وشاطئ أجيال يعدي لك  
وليك انت يغني لك  
غنة وطن لحينك



وتبقى

## الذكريات

وتبقى الذكريات لحياتي  
وحياتي أنا  
في الدنيا عابر سبيل  
علي أرض ملينة بكأس الأنين  
وباتت نبضاتي تقل وتقل منذ السنين  
والنفس تشتتهي نعيم الخلود

ولكن أي خلود؟  
الخلود في ظل الرحمن  
يوم ينتهي الوجود  
فقد ضاق بي حالها  
ولكن يسرها الموجود  
فمزقت نفسي وأشلامي  
بكت عليّ نفسي  
لحب الخير لأحباب  
خاطرت بحياتي بهم ولهم  
رغم أن القلب يصرخ بالآهات  
و نفسي رفضت الهوي لحبيبتني  
وحبيبتني لا تعلم بحالي  
لبعادي عنها بالصرخات  
ومازلت أعيش بكفن جسدي  
ممزق القلب  
ممزق الأشلاء  
لبعادها عني ورجوعها دون  
أمل أو رجاء  
\*\*\*\*\*  
أه لو تدري بحالي

صديق عمري  
فحالي دونك أهات وأهات  
لم ولن أنسى أيامنا  
بحلوها كانت أو مرها يا أخي  
وبكأسها المعطر بوصول اللقاءات  
وأنت يا بني يوم تألمت  
هاجت عليّ الذكريات  
في دنيا بذكراها راحت  
وأهات

فجسدي اليوم راقد في رمال وتراب  
والروح هائمة في ملكوت السماوات  
ويوم عودتها للرحمن  
بنفخة من بوق في لحظات  
أمانه عليكم يوم موتي  
تذكروني بأرق الدعوات  
لحظة يضمني قبوري  
والجسد تبلله الدمعات  
يوم أخطر ببالكم كذكري  
تذكروني  
فلم يبق لنا إلا الذكريات



## بكرة تفهموني

بكرة تفهموا

أنا مين يا اللي ضحكتموا عليا من سنين

وهتفهموا بكرة أبقى مين

انتوا مهما كان روحي ودمي اللي كان

فيه عطف وحنان

واسمي كان بينكوا صابر أمين

وكانت بتسري فيه  
كل ذكريات العطف  
وكان فيها الحنين  
ليه.. ليه الفراق ده كان بيني وبينكوا؟  
فرح وهنا  
وبدون أنين  
وده كان ياما كان من سنين  
ودلوقت بقى فيه حزن وألم  
وشجن وهجرة حنين  
ليه خليتوا الهجر خدني؟  
ودمعتي نزلت وجرحتوا الجبين؟  
اللي كان مسطر عليه بالفرحة  
وبأحلى سنين وخدني الرحيل  
ويا الأنين  
ده بكرة تفهموا كلامي  
حتى الناس اللي مش فاهمين  
وهايجي اليوم وتعرفوا فيه  
أنا أبقى مين؟  
وقولتوا فيه الكلام  
اللي بتقولوه الناس الكدابيين

ما بالك من كلام حواء ده  
فأصلها وسوسة إنس  
وشياطين ملاعيين  
فرقت بين الأحبة والأخوة  
ودول ناس طيبين  
الغدر مش طبعهم  
بس دى وسوسة حية من نار الجحيم  
ولسه ماشيين بوسوسة  
حياة من الملاعين  
ودى حيه من أصل طبعها  
طبع غدارين  
اصحوا بقى يا ناس  
يا اللي الغشاوة عمت عنيكوا  
ولسه مش فاهمين  
أسف جدا على دي الكلمات  
بس دى الحقيقة حواليك  
وحوالينا لا بإيدك ولا بإيدنا  
ودى دنيا مادة لينا إيديها باليمين  
تعطف علينا  
والشمال تغدر بينا

وبكره تفهموني

## منحتني السلام

هاجمتني الأيام  
بسنة من عدم الحنان  
وغرني سيف لا يدرك معنى كلمة سلام  
أو اطمئنان  
ذات يوم من الأيام  
أخذت الزاد والزواد  
لكي أحارب قبيلة الحنان  
وقلبي مسرع وملتهب

وبيدي سيف يلدغ بسم الثعبان  
فكدت أقبض على سيفي  
وأقتل دون رحمة  
ودون قلب إنسان  
فجاءتني أميرة  
من أجمل فتيات قبيلة ذلك الزمان  
أخذت بيدي وأكرمت مثنوي  
ليرتد سيفي عن قطع ورق الريحان  
وتبادلنا بكلمات كلها حب وحنان  
مع أجمل فتاة ملقبة بأميرة الزمان  
فنزعت مني سيفي  
وألقت عليه محبة السلام  
والمسك والزعفران  
فمنحتني السلام  
بعد ما كان قلبي ملتهبا وبالحرث ولهان  
ووهبتني أن أكون أمير لتلك الزمان  
فصرت بعدها  
أنشر السلام بين قبائل العرب  
لقبائل لبنان  
فمنحتني السلام

كي أعرف معنى كلمة حب الأوطان  
ياجمل أميرة قابلتني في تلك الزمان  
منحتني كل السلام



## عاشق مداح

لولا الفؤاد ما كتب علينا العشق  
والهوى  
ونتنفس حباً يليق بالعاشق الذي غوى  
هويتك حبيبتي  
كعاشق مداح

وقلبي في حبك نوى  
عاشق ومغرم بقلبك  
وما لنا إلا قلبي وقلبك سوى  
ودون غيرك حبيبتي  
لا أتفسح حنين الهوى  
مادح أنا جمالك وكأنك نجمة  
وقلبي متم بالفرح والمنى  
وبسحر عينك أيقظت قلبا  
جنت إليه بالحنين والهنا  
ويوم رجوعك زادني الحنين  
والقلب منك انحنى  
لحظة ميلادي حبيبتي جنت إليك  
والنجم تلالاً بالسماء  
فأنا العاشق الذي أتمنى  
رؤية حبيب غاب عني طيلة عمري  
وبلقاننا حبيبتي  
العصفور لنا غنى



## من أنتِ؟

أخبريني من أنتِ؟  
أتدرين ما فعلتِ بقلبي؟  
أنتِ التي سرقت القلب  
بعدما كان فارغا من العشق الممنون  
واليوم صار حبيبتي مقيم بعشقتك  
يا أميرة الكون  
ذلك العشق أخذني بعيدا  
في أنوار النجوم وغرق بحبك

وأنا من أكون؟  
كأن القدر أراد لنا أن نلتقي يوماً  
كي نعشق بعضنا بكل جنون  
وظننت بلقائنا حبيبتي  
أكون السائل بحبك يا أميرة الكون  
فعشقنا خالد أميرتي  
وسوف يحكي لأميرات الزمان  
بالعاشق الحنون  
واليوم سوف يسير عشقنا  
وتسعد به كل العيون  
فقلبي يحزن  
ولا أبالي أن تخيبي ظني  
وتفرحي بيّ الظنون  
فمن أنتِ؟  
يا صاحبة القلب والعيون  
خبريني حبيبتي بحبك  
واعلني للزمان أنا في نظرك من أكون  
العاشق الملوّح أم العاشق المجنون  
ومن غيرك حبيبتي  
يحررني من قيد السجون

فمن أنتِ  
يا صاحبة القلب الحنون؟



## فاتنتي الجميلة

أتانى طيفك في يقظتي  
بساحة العشق وبدقات الزمان  
فاقتبست قطفة حنين وردية  
من الفؤاد المهينة بيد المنان  
وقطفتها بقلبي وكأنها ثوب حرير  
وبها حنين وحنان  
وتقبلت فاتنتي يدي أن تلمس يدك  
بغير خجل وبلا أشجان

وقلبي ملناعا لرؤية عيناك ثانية  
فلك كل الامتنان  
أنتِ فاتنتي منحنتي سماحة القلب  
وكل الإحسان  
فأنا الحبيب المقتبس بفؤادك  
يا فاتنة الكون وكل الأكوان  
وجمالك أنار طريقي في كل درب  
ومن مكان إلى مكان  
وعند رؤياك تستنشق فراشات الورود  
رحيق عطرك  
وتخبرني بلقائك يعطرة البستان  
لا تحرميني من لقائك  
ولا تحرميني من سكني بقلبك  
ولا همسة الشفتين  
فأنتِ الوطن الحنون الباقي  
على مر الزمان  
ولا تتركيني وحيدا  
فحبي لك مكتوب  
على جبين الزمان  
وكتبت على قلبي بقلم المودة

لن أنساكِ يا فاتنة الكون  
ولك كل الامتنان



## زين رجال الصعيد

أهالينا قالوا زمان  
العشق يا ولد حرام  
رديت عليهم وقلت:  
أنا من غير العشق  
مابعرفش أنام  
أبوي قالي  
انت يا ولد ماتعرفش الحلال من الحرام  
انت بين أهلك وناسك

زين الرجال وكبير المقام  
دا الكبير في عيلتنا ليه كلمته وهييته  
والكل يناديه بزین الرجال وهمام  
بطول ما هو ماشي بعيد عن السكة الحرام  
ارجع يا ولد لبیتنا  
وما تضيعش علينا هيبتنا  
والكل يدیک تعظیم سلام  
بس يا ابوي القلب وما يريد  
انا ماشي في سكة حلال  
وتوديني في عشق بعيد وغرام  
ولو خرجت عن سلو العيلة  
ها تقولوا ده راجل مش تمام  
وأخر مرة أقول الكلام اللي يعجب الناس  
الزين التمام  
وما اكسرش بخاطرکم  
ولا اضيع عليكموا هيبتكم  
بس دي بنت عمي  
عشقتها من صغر سني  
ودي في أصلها أصل الجدعان  
والكل ابتسم في وقتها

وقالوا انت زين الرجال  
وقد الكلمة يا اخي وكبير المقام



## صرخة آدم

حواء أين أنت؟  
يا سيدة النساء  
يا نسيم الربيع المعطر  
يا زهرة النقاء  
لمتى تصمتين ولا تتكلمين معي؟  
وحبنا خالد يشهد عليه نسيم الهواء  
وبعادك عني يا ساكنة روحي  
يجعلني راقدا وكأني بالفناء

تكلمي معي ولو بنظرة من عينيك  
فتحييني وبلمسة يديك  
كل الشفاء  
فلم أندم في يوم بعتابك لفؤادي  
واعتبرت نفسي بعدها تراها هباء  
ولم الصمت يا سيدتي؟  
فصمتك يجعلني وحيدا غريبا  
بين الأرض والسماء  
وصرخت لك  
عندما رأيت الدموع بعينيك  
بهم أنين وبكاء  
ومازلت تبتهدين  
ولم تستجبي لصرختي  
يا سيدة النساء  
فصمتك يجعلني أمزق قلبي بيدي  
وتبكي الأرض بسيل الدماء  
لمتى البعاد عني؟  
ولم الهجر يا حواء؟  
سوف يأتي اليوم وتتكلمي  
ورجوعك سيدتي يحييني

بلقاءك معي ومعك كل الدواء  
يا سيدة الكون ومملكة النساء



## هبة الزمان

هبة الزمان ترى هل تعلمين بحالي؟  
بعد فرارك مني  
وطال الزمان بغيابك  
ولن يفترق جمالك  
وبعدك عني  
ولم أر مثلك في الكون  
ودونك الفراق أتى ليقتلني  
واقفا أمامه لتأتيني يا هبة الزمان

ولك عمري  
ودمعة عيني لطيلة غيابك عني  
ومنايا ينزل المطر  
لينبت بها فرحي  
فأمسكت قلبي بيدي  
وهو يتألم من شدة الفراق  
والدمع فاضح عيني  
ولا تدرين أنت بحالي  
يا هبة الزمان وينكسر بغيابك  
فرحي وأملني  
فأقول لك من كل فوادي  
تعالني كي نبدأ طريق الأمل  
لقلبك ولقلبي  
وأنيير أثر خطواتك  
بنور الحياة وارسم الأمل لقلبك  
وتمحني به حزني  
فرجاء أن تعلمني بحالي  
وترجعي  
ومعك الأمل  
وبه يشرح لي صدري



## الفهرس

- 2..... بطاقة الكتاب
- 3..... إهداء
- 3..... الإيمان وغروب الشمس
- 6..... بحثت عنك
- 8..... الفجر الجديد
- 11..... أحب الجمال
- 14..... ابن الأصول
- 16..... المزمارة

- 18 ..... بستان العاشقين
- 20 ..... حلم عمري
- 22 ..... غيرت حياتي
- 24 ..... نصيبي كده
- 28 ..... الوداع
- 33 ..... صوتك
- 35 ..... من غير عتاب
- 39 ..... كدبت عليا
- 43 ..... مش راجع لك
- 46 ..... طير جريح
- 49 ..... وبالوالدين إحسانا
- 51 ..... الفرار من القدر
- 54 ..... من أنا؟
- 57 ..... صرخات مؤلمة
- 60 ..... دنيا غلابة
- 62 ..... صفاء القلوب

- 65 ..... مغرم صبابا
- 67 ..... بنت الحلال
- 69 ..... القمر وضياءه
- 71 ..... وطني الحبيب
- 72 ..... وتبقى الذكريات
- 75 ..... بكرة تفهموني
- 78 ..... منحتني السلام
- 80 ..... عاشق مداح
- 82 ..... من أنتِ؟
- 84 ..... فاتنتي الجميلة
- 86 ..... زين رجال الصعيد
- 88 ..... صرخة آدم
- 90 ..... هبة الزمان
- 92 ..... الفهرس